

*U utorak, 11. maja 2021. godine, u sklopu provođenja WACOM projekta održana je online radionica s ciljem predstavljanja projekta i **Analize trenutnog stanja u području obrane od poplava, akcidentalnog zagađenja i upravljanja vanrednim situacijama u Bosni i Hercegovini**, bazirane na popunjenim aneksima.*

*Online radionica u Bosni i Hercegovini je organizovana na inicijativu **Asocijacije za upravljanje rizicima AZUR i Republičke uprave civilne zaštite Republike Srpske**.*

*„Budući da svi radimo na realizaciji važnog zajedničkog cilja, potrebna je suradnja, umrežavanje i koordinacija različitih službi i institucija, kako unutar svake države u kojoj se projekt provodi tako i na međunarodnom nivou“, naglasio je u uvodnom izlaganju **Milan Novitović, direktor Republičke uprave civilne zaštite Republike Srpske**.*

***Haris Delić, Predsjednik Asocijacije za upravljanje rizicima** je istakao: „Ovaj projekat predstavlja veoma značajan doprinos u sistemu koordiniranog odgovora u slučaju akcidentnih zagađenja i poplava na rijeci Savi. Bosna i Hercegovina, kao jedna od četiri države regije, od 2020. godine aktivno učestvuje u njegovoj realizaciji kroz aktivnosti partnera na **WACOM projektu - Republičke uprave civilne zaštite Republike Srpske, Asocijacije za upravljanje rizicima AZUR i Federalne uprave civilne zaštite**. I ovom prilikom Bosna i Hercegovina je poslala važnu poruku da je spremna za aktivno učešće u ovakvim i sličnim projektima, te pokazala sposobnost uspješnog organiziranja ovakvih radionica.“*

*„Obzirom da se radi o prvoj ovakvoj radionici, smatram da će ona dati dobre inpute ostalim projektnim partnerima i organizatorima nacionalnih i regionalnih radionica koje su planirane da se održe u narednom periodu. Pored toga, ova radionica je pokazala da je jedan od boljih načina da efikasnije promovišemo svoj rad i angažman na ovakvim projektima, te da ga učinimo vidljivim i javno dostupnim zainteresovanoj javnosti upravo kroz organizovane radionice koje, između ostalog, unapređuju i međusektorsku saradnju na svim nivoima“, rekla je **Tanja Milešević, koordinatorica Republičke uprave civilne zaštite Republike Srpske**.*

Na radionici je učestvovalo 30 različitih institucija koje dolaze sa teritorije Bosne i Hercegovine, s više od 50 učesnika koji su dali značajan doprinos i sudjelovali u sačinjavanju aneksa - podloge za izradu pomenute Analize. Radionica je bila iznimno uspješna zahvaljujući dinamičnoj diskusiji između predstavnika WACOM projekta i učesnika radionice. Razgovaralo se o temama koje se tiču akutelnog stanja civilne zaštite te upravljanja vodama i riječnom navigacijom sa aspekta poplava i akcidentnih onečišćenja.

*U diskusiji su se razmijenila iskustva, različita viđenja i predstavljeni su konstruktivni prijedlozi s ciljem unapređenja finalnog dokumenta **Analiza trenutnog stanje u području obrane od poplava, akcidentalnog zagađenja i upravljanja vanrednim situacijama u Bosni i Hercegovini za Bosnu i Hercegovinu**, ali i unapređenja cjelokupnog stanja po pitanju učinkovitijeg sistema prevencije i odgovora na poplave i akcidentna onečišćenja.*

Za vrijeme trajanja WACOM projekta održat će se četiri državne i tri regionalne radionice čiji je cilj sveobuhvatan i interaktivan osvrt na stanje upravljanja incidentnim situacijama (poplave i akcidentna onečišćenja) vezanim uz rijeku Savu koja protiče kroz sve četiri države, ujedno i učesnice ovog projekta.

Projektne partneri u provođenju Projekta dolaze iz četiri države regije:

Slovenija

- *Univerzitet u Ljubljani (LP UL) –Voditelj projekt*
- *Direkcija Republike Slovenije za vode (ERDF PP1 DRSV)*
- *Hidroelektrane na Spodnji Savi (ERDF PP2 HESS)*

Hrvatska

- *Hrvatske vode-pravna osoba za upravljanje vodama (ERDF PP4 HV)*
- *Lučka uprava Slavonski Brod (ERDF PP4 LUSB) -do aprila 2021.*
- *Međunarodna komisija za sliv rijeke Save (ERDF PP5 ISRBC)*
- *Ministarstvomora, prometainfrastrukture(ERDF PP6 MMPI)*

Bosna i Hercegovina

- *Asocijacija za upravljanje rizicima AZUR (IPA PP1 AZUR)*
- *Federalna uprava civilne zaštite(IPA PP2 FUCZ) –do maja2021.*
- *Republička uprava civilne zaštite RepublikeSrpske (IPA PP3 RUCZ RS)*

Srbija

- *Institut Jaroslav Černi (IPA PP4 JCI)*